

Inatsisartut suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

Naalackersuisunut apeqquq:

1. Najugarisaq qimannagu ilinniartitaaneq amerlaningorlugit suli siammarnerrullugit pilersinneqassappata, Naalackersuisut tamanna qanoq isummersorfigisinnaavaat soorlu pitsaaqutit akornutillu eqqarsaatigalugit, taamalilluni ilinniartitaaneq annerusumik ingerlanneqarsinnaangortillugu naak ilinniartup ilinniariarfik illoqarfimmi allamiittoq najugaqarfiginngikkaa?

2. Ilinniartitaanerup iluani aaqqissuusseqqinnermut tunngatillugu: Naalackersuit Najugarisaq qimangikkaluarlugu ilinniarsinnaaneq siunissami ilinniartitaanerup aaqqissuussaanerannut naliginnaanerusumik ilaatikkusuppaat?

3. Taamaassimappat taava: Ilinniartitaanerup iluani sammiviit sorliit aammalu qanoq ilusilerlugit Naalackersuisut suliniuteqarpat, s.a. najugarisaq qimangikkaluarlugu ilinniarsinnaatitaaneq eqqarsaatigalugu.

(Inatsisartuni ilaasortaq Laura Tàunâjik, Siumut)

Tunngavilersuutit:

Najugarisaq qimannagu ilinniarfissatut periarfissaq annguttussaavoq inunnut allatigut ilinniartitaanikkut malinnaasinnaangitsunut. Najugarisaq qimannagu ilinniarneq neqeroorutaasinnaavoq inunnut assigiinngitsunik patsiseqarlutik nuussinnaangitsunut, sumiiffigisami sorlanilluarsimasut aammalu kajumiginagu illoqarfisik nunaqarfisilluunniit qimannissaa.

Kissaatigaara apeqquqteqaatiga ullut suliffiusut 10 ingerlanerani akineqassasoq.